

cis, & apud Socratem lib. 3. Hist. Eccles. c. 8. nec non *Adelfius* ejusdem Episcopus subscripsit Concilio Aurelianensi primo.

PETROCORIUM Sidon. Apoll. lib. 7. Epist. 6. vulgò *Perigueux*. *Cbronopius* hujus Episcopus subscripsit Concilio Agathensi, & *Pegasium* Petragiorum Episcopum nominat Greg. Turon. lib. 2. Hist. cap. 13.

PROVINCIA ELUSANA, SEU NOVEMPOPULANIA.

ELUSA, seu Civitas Elusatum dictæ Notitiæ antiquæ Galliarum, vulgò *Eause*. *Mamertinus* Elusanus Episcopus subscripsit Concilio primo Arelateni, & *Clarus* ibi dictus Metropolitæ interfuit Agathensi.

LACTORATIUM dictæ Notitiæ, vulgò *Lectoure*. *Vigilius* ejus civitatis Episcopus subscripsit Concilio Agathensi, & *Aletius* Aurelianensi quinto.

CONVENARUM civitas Strab. lib. 4. vulgò *Cominges*. *Suavis* hujus Episcopus eidem Concilio Agathensi subscripsit, & *Amelius* Aurelianensi quinto.

CIVITAS CONSORANNORUM dictæ Notitiæ Galliæ sub Honorio, vulgò *Conserans*. *Glicerius* ejus Episcopus eidem Concilio Agathensi subscripsit, & *Theodorus* Aurelianensi quinto.

VASATÆ Ammian. Marcellin. libro decimo quinto, vulgò *Basas*. *Sextilius* Vasatensis Episcopus eidem Concilio Agathensi subscripsit, & *Orestes* Matisconensi secundo.

TARBA, Turba dictæ Notitiæ, ubi Castrum Bigorra, vulgò *Tarbes*. *Aper* hujus Episcopus eidem Concilio Agathensi subscripsit, in quo dicitur Bigorritana, & *Julianus* Bigorrensis Aurelianensi quarto.

ATURUM apud Sidon. Apollin. libro 2. Epistola 1. vulgò *Aire*, dicitur & Vico-Julia apud Gregorium Turonensem lib. 9. Hist. Francor. capite 7. *Marcellus* Episcopus de civitate Vico-Julii subscripsit eidem Concilio Agathensi, & *Rusticus* Matisconensi secundo.

LASCARA, quæ & Benarna dicitur in Conciliis & in dicta Notitia Galliæ, vulgò *Lescar*. *Galaetorius* Lascarensis Episcopus subscripsit Concilio Agathensi, & *Savinus* Matisconensi secundo.

OLERO, seu Civitas Elloronensium dicitur in eadem Notitia, vulgò *Oleron*. *Gratus* hujus Episcopus subscripsit eidem Concilio Agathensi, & *Licerius* Parisiensi quarto.

CIVITAS AUSCIORUM eidem Notitiæ, vulgò *Auscb*. *Nicetius* Auscensis Episcopus subscripsit eidem Concilio Agathensi, & *Proculeianus* Aurelianensi secundo.

AQUÆ in Novempopulania eidem Notitiæ Galliæ sub Honorio, vulgò *Acs*. *Gratianus* Aquensis Episcopus subscripsit eidem Concilio Agathensi, & *Carterius* Aurelianensi quarto.

PROVINCIA NARBONENSIS, SEU NARBONENSIS PRIMA.

NARBO Strab. lib. 4. vulgò *Narbone*. Ad *Hilarium* Narbonensem Episcopum dirigitur Epistola 8. Zosimi Papæ anno circiter 417. & *Paulus* primus hujus Episcopus dicitur apud Greg. Turon. lib. 1. Hist. cap. 30.

TOLOSA Ptolem. lib. 2. cap. 10. vulgò *Tolose*. *Heraclianus* hujus Episcopus subscripsit Concilio Agathensi, & *Saturninus* primus Episcopus Tholosanus dicitur apud eundem Gregorium Turon. ibidem.